

# Powšitkowne WOZJEWJENJA

njedźelu, 15. decembra 2019

## Přiležnosć k swjatej spowědźi w Róženće

**póndźelu, 16. decembra** farar M. Anders, farar dr. D. Dzikiewicz,  
17.00 – 18.00 hodź. farar J. Magiera, kapłan dr. J. Buliš

**wutoru, 17. decembra** farar M. Anders, farar dr. D. Dzikiewicz,  
18.30 – 19.30 hodź. farar T. Dawidowski, farar dr. B. Dittrich

**sobotu, 21. decembra** farar M. Anders, farar M. Nawka,  
7.30 – 7.55 hodź. tachantski farar W. Sćapan, farar Š. Delan

Sobotu, 21. a 28. decembra kaž tež 4. januara, njebudže w Róženće w 17.00 hodź. přiležnosće k swjatej spowědźi.

## Hudźbno-meditaciski nyšpor w swětle swěčkow

W Chróšćanskej cyrkwi wotměje so njedźelu, 22. decembra, w 17.00 hodź. w swětle swěčkow hudźbno-meditaciski adwentny nyšpor. Wšitcy zajimcy su k tomu wutrobnje přeprašeni.

## Koparski turněr

Towarstwo Cyrila a Metoda z.t. (TCM) zarjaduje sobotu, 4. januara, w 15.00 hodź. w Chróšćanskej „Jednoće“ halowy koparski turněr wo pokal TCM. Přeprašene su wosadne a wjesne mustwa młodžiny kaž tež mustwa sportowych jednotkow. Kóžde z nich měło z wosom hrajerjemi nastupić. Hrać budže so z třomi koparjami a wrotarjom. Přizjewić měli so mustwa hač do soboty, 28. decembra, pola Guida Zahrodnika w Jaseńcy, telefonowe čisło (03 59 33) 3 11 53, mobilnje (01 51) 52 22 17 59.

## Hodowny beneficny nyšpor

Chór Lipa a instrumentalisća wuhotuja njedźelu, 29. hodownika, w 17 hodź. w Róženćanskej cyrkwi swój tradicionelny beneficny nyšpor. Zběrka při durjach budže za ambulatnu hospicnu a paliatiwnu poradžowansku službu Hornjołužiskeho zwjazka Charity. Wšitcy lubowarjo hodownych zynkow su přeprašeni.

## Silwester do Baćonja

Silwesterski hudźbny nyšpor z meditacijemi k wukóncej lěta budže wutoru, 31. decembra, w 19 hodź. w Baćonju. Jón wuhotuje podobnje kaž loni młodžina Baćońskeje wosady. Wšitcy su wutrobnje přeprašeni.

## Putniska jězba do „Božeje zahrody“ a wokoliny

Ze Šmitec wozydłownistwom přeprašuju na putnisku jězbu wot štwórtka do póndžele, 30. julija do 3. awgusta, do tak mjenowaneje „Božeje zahrody“. W bazilice Vierzehnheiligen wobdźělmy so na wulkich putniskich kemšach. Zastanjemy tohorunja w Bayreucie a wopytamy tam mjez druhim synagogu. W Bambergu wobhladamy sej biskopsku cyrkej a město, zeznajemy mošeju a změjmy tež swobodny čas. Nimo toho steja Bad Staffelstein, Lichtenfels a klóšter Banz na programje.

T. Kubašec

## **Hodownej a jubilejnej koncertaj w Radworju**

Swojej hodownej a zdobom jubilejnej koncertaj wuhotuje chór Meja składnostnje swojeho 125lětneho wobstaća sobotu, 4. januara, dwójce w Radworskim hosćencu „Meja“. W lětušim programje su hodowne spěwy runje tak zapřijate kaž mnohe „stare“ ze 125lětnych stawiznow chóra. A runje tute nětčiši Mejenjo tónkróć sami nje-zanjesu. Zdobom móža so přihladowarjo tež na někotre modernje wobdźělane pěsnje, swětoznaty hit a małe filmowe epizody a anekdoty z dołhich mejskich stawiznow wjeselić.

Prěni koncert w swětle swěčkow budže w 15.30 hodź. Swačina so wot 15 hodź. poskići. Dalše předstajenje hodowno-jubilejneho programa budže w 19 hodź. Koncertej přizamknu so reje z kapału CON-TAKT. Wšitcy su wutrobnje do Radworja přeprašeni.

## **Putniskej jězbje z busom w lěće 2020**

Tež klětu přeprašuju zaso zajimcow na putniskej jězbje. Přerjona powjedže po slědach bamža Jana Pawła II. wot soboty do pjatka, 6. do 12. junija, do susodnjeje Pólskeje. Wopytamy Wadowice, Zakopane, Częstochowu, Warszawu a Licheń. Dalša putniska jězba budže wot njedźele do soboty, 30. awgusta do 5. septembra. Podamy so do sewjerneje Italskeje ke Gardaskemu jězorej. Mjez druhim wobhladamy sej hnadowne městno „Madonna della Corona“ a dožiwimy předstajenje opery „Aida“ pod hołym njebjom w antiskej arenje we Veronje. Nadrobniše informacije dóstanu zajimcy pod telefonowymaj čisłomaj (01 63) 7 33 82 05 abo (03 57 96) 9 54 28 (po 19 hodź.) abo pola mje w Hórkach, Sydlišćowu puć 2.

*Maćij Hadank*